

3

T H E S E S  
D E  
A M B U S T I O N E ,

*QUAS, DEO JUVANTE, & Præside M. PETRO SUE secundo,  
Collegii antiquo Præposito & nunc Quæstore, Academia Regia  
Chirurgiæ Consiliario, in Generali Parisiensi Præfecturâ Chi-  
rurgo, antiquo in Scholâ Præcticâ Anatomia & Chirurgia  
Professore, Academiarum Monspelliensis, Rothomagensis,  
Divionensis, Lugdunensis, & Burdigalensis Socio, tueri cona-  
bitur JOSEPHUS SEDILLOT, EBROICENSIS, præclare  
Artium Facultatis in almâ Universitate Parisiensi Magister,  
& Nosocomii generalis, in Domo dictâ la Salpêtrière, nuperrimè  
Chirurgus præcipuus, Theseon Auctor.*

*Die Sabbati, 29<sup>a</sup> Septemb., anno Salutis 1781, à sesqui-secundâ  
post meridiem ad septimam.*

IN REGIIS CHIRURGURUM PARISIENSIIUM  
SCHOLIS,  
PRO ACTU PUBLICO  
E T  
S O L E M N I C O O P T A T I O N E .



Typis MICHAELIS LAMBERT, Regii Chirurgiæ  
Collegii necnon Academiæ Typographi, viâ Cithareâ.

---

M. DCC. LXXXI.





THESES  
DE  
AMBUSTION

La Cure des brûlures est en partie réduite en méthode, & en partie restée dans l'empirisme. .... Il y a des remèdes qui sont reconnus pour d'excellens spécifiques, & dont il est difficile d'expliquer les effets. *Quesnay, Traité de la Gangrène, Chap. xvij.*

IN REGIS CHIRURGICORUM PARISIENSIS  
SCHOLIS  
PUBLICO  
ET  
SOLENNIT. COOPTATIONE



Typis MICHAELIS LAMBERT, Regii Chirurgie  
Collegii necnon Academiæ Typographi, vis à vis

M D C C L X X I





D. O. M.

---

T H E S E S  
DE AMBUSTIONE.

---

CORPORIS humani læsio ab igne, aut qualibuscunque causticis impressa, generatim *ustionis*, *adustionis*, *combustionis*, vel *ambustionis* nomine donatur. Unaquæque corporis nostri, sive externa, sive interna pars, ambustioni obnoxia; at cutis, eò quod totum tegat, sæpiùs: itaquè quò faciliùs intelligantur circà ambustionem disputanda, de rebus anatomicis, ad structuram cutis pertinentibus, quædam prædicenda.



## §. I.

CUTIS est involucrum crassissimum, è triplici membranâ, nempe corio, corpore reticulari, & epidermide conflatum. Corium est elasticum, cæteris crassius, suppositum, intricatissimoque compactum plexu fibrarum, quarum neque indolem, neque connexus deprehenderis: in ipso perspicias omnis generis vasculorum reptantes furculos, innumerabilesque nervulos conglobatim in distinctos apices, ad tactûs sensum, extrinsecus desinentes: illis *membrana papillaris* nomen impertiri quibusdam placuit. Corpus reticulare, exilibus textum fibrillis, epidermidem inter & corium medium occupat intervallum creberrimis pertunditur, retis in morem, foraminibus, quibus nerveas papillas, totidem quasi retinaculis, coercet: color huic, apud varias gentes, varius. Epidermis tenuis est ac pellucida; cutem tegit assidua comes; corpori reticulari & papillis nervosis hæret, ope textûs cellularis minutissimi, alligantibusque plurimis, albo colore, vasculis; numerosissimis etiam pervia foraminibus pilos transmittit; sudori, transpirationi totidem recludit ostiola, ac perindè mercurio cæterisque intûs suscipiendis præbet se prorsûs meabilem: cutem ab attritu, dolore & ipso aëre protegit; tactûs sensum, veluti munimine quodam circumcingit, atque demùm, nimix humorum exhalationi imponit obicem. Hæc est concisè cutis contextura: omnibus quas involvit partibus applicatur textu cellulari adiposo, sic disposito, ut illam aponevrosibus musculis & ossibus teneat intercalatione suâ alligatam, nec tamen libero partium omnium motui sit impedimentum.



## §. II.

Duplicis sunt generis ambustionum causæ; primariæ scilicet & secundariæ: causam primariam ignem dicimus; hic enim, cum sit materia ex se actiuosa, subtilis, mobilitate vigens rapidissimâ, potest in partes nostras, totidem veluti cuneolis, affatim irrumperere, illasque multis modis lædere: causæ secundariæ sunt res omnes ignitæ, quibus ignis vim & indolem suam imprimit; hinc meritò, quæcumque igni præbere nutrimentum, vel ejus materiem introrsum concipere valent ac retinere, ustionis causas dixeris secundarias: prioris sunt generis radii solares ab interpositâ nube, aut vitreâ lenticulâ coacti; igneus vapor ex ardenti foco sese expediens: alteriûs verò generis, fulmen (1), pulvis tormentarius, prunæ, flamma, metalla igne candentia vel fusa, corpora pinguis ac resinosa, ut adipēs, olea, cera, pix, prætereaque aqua ebulliens, jusculum, cerevisia, aut etiam quilibet aquosus vel spirituosus liquores (2). Caustica demum, *ignis potentialis* nomine designata, inter causas combustionis recenferi debent; sunt enim corpora, quæ, absque ullo calore sensibili ignem ipsum suis effectibus æmulantur: hujus sunt ordinis acida mineralia, lapis causticus, cæteraque, quorum idem est lædendi modus. Quamvis autem combustio à diversis fiat materiis, nihil tamen, vel parvi id referre ad curationem, cum *Hildano* dicimus (3). Nulla enim sumenda est indicatio curativa, à causâ urente, sed potius ab effectu quem inflixit: itaque ut rectius instituatur curatio, de hisce effectibus dicendum est.

## §. III.

IGNIS si partem corporis nostri quamlibet repentinus invadat, nervos divellere, fibras vasaque constringere, fluida vel in tenuem



solvere vaporem, vel in coagulum inspissare, & ipsam partium  
 texturam vitamque penitus abolere potest; undè prò vario ustio-  
 nis gradu, effectus inter se diversi: 1<sup>o</sup>. *Si levis tantùm fuerit ignis*  
*assultus*, dolor etsi primùm acutus, citò mansuescit, minimaque  
 aut omninò nulla supervenit inflammatio. 2<sup>o</sup>. *Si magno latè*  
*savieirit impetu ignis*, tunc nervorum laceratione immanes tor-  
 quent cruciatus, fibrarum fit dira crispatio; corrugantur, inares-  
 cunt vascula, & quædam ex illis etiam disrumpuntur: hinc sub  
 epidermide varii undiquè scaturire humores, extuberare phlic-  
 tenæ: rapidiori fluidorum cursu ad afflictum locum, inardescere  
 primò phlogosis, deinde vehemens inflammatio, juxtà illud  
 veterum axioma: *ubi dolor & calor, hùc sanguis uberius affluit*:  
 à primo celeriter grassantis inflammationis æstu, secundaria  
 protuberare phlictenæ; febris, anxietas, totius corporis exagi-  
 ratio, vigiliæ necnon convulsivus quidam horror, omnium  
 deniquè functionum perturbatio subsequi; quæquidem sympto-  
 mata eò majori pollent energiâ, quò exterius & latius diffunditur  
 adustio: hoc sanè notavit *Paraus*, siquidem asseruit graves &  
 profundas combustiones minùs dolere, quàm cùm leves sunt &  
 latè ad superficiem extensæ (4). Tale genus combustionis, ut plu-  
 rimùm ab ebullientibus fluidis infligitur; hoc in casu, ardua in-  
 flammatio sæpè suppuratione solvitur: sæpiùs verò, quasi humi-  
 dam vertitur in gangrænam, & escharræ, factò in omni ambitu à  
 vivis partibus divortio, decidunt: hinc, horrendum visû,  
 patere partium spoliationes, non minùs acerbissimo dolore,  
 diuturnoque puris effluviò, quàm ipso pravi humoris introitu  
 metuendæ, 3<sup>o</sup>. *Si acriter ac vividè ignis incurrerit*, tunc subito  
 perimuntur & sensibilitas & vis partium organica; earum vel  
 dissipantur, vel coagulantur fluida; torridæ apparent crustæ,  
 & ita indutescunt, ut intùs fuscipiendis humoribus sint pror-  
 sùs imperviæ, adeòque siccam perfectè referant gangrænam;  
 loca viciniora, leviter tantùm rubescunt, tum quia ignis à



foco suo recedens, gradatim mitefcit, tùm propter dolorem ab escharis contractis vivasque partes trahentibus natum; dein superveniente, per omnem ambitum, ut suprà, suppuratione, partes mortuæ, à vivis discriminatæ, mox prolabuntur.

4°. *Si urens causa ultrà modum ferociat, integrumque membrum pertinaciùs occupaverit*, tunc, illud vel immediatè letho percellet, voratis usque ad ossa carnibus, vel mediatè interficiet, excitatâ inflammatione, actionem partium deleturâ: hic adest sphacelus, quiquidem, aut siccus aut humidus erit, plus minùsve, prout obstructæ fuerint partes; ut in gangrænâ, sic in sphacelo decedunt aliquandò partes mortuæ; sed sphacelus, sæpiùs quàm gangræna, abit in putredinem: in omnibus hisce casibus, delapsis escharis, sordida manent ulcera; quæ, ulcerum omnium ad instar, fistulam, cariem, &c. secum trahere possunt.

Tales ignis habet effectus, varios pro suâ energiâ, varios insuper pro variâ ustionis sede, rebusque extraneis ignem comitantibus: 1°. *Pro variâ sede*: si caput afficiat ustio, omnia præ se fert symptomata, quæ cerebrum dolens, obstructaque ipsius vasa produnt; tunc enim, irritatio & inflammatio externæ pergunt usque ad partes intimas: eâdem de causâ, si pectus vel abdomen ustio læserit, mox membranæ & viscera subjacentia exardescunt; undè omnia symptomata, quæ diffusam pectoris vel abdominis inflammationem sequuntur: internæ combustiones alios edunt effectus, ad naturam partium læsarum & vim causæ urentis semper compositos (5). 2°. *Pro rebus extraneis ignem comitantibus*: ustio à fulmine inflicta, nunquàm fit sine gravi commotione (6); hinc deliquium animi, heberudo sensuum, prostratio virium, stupor & alia quæque phenomena, ad genus nervosum valdè concussum pertinentia: ustio autem ex deflagratione pulveris pyrii & tumultuosâ involucrorum, quibus incarceration, disruptione orta, commotionem simul & contusum vulnus incutit (7); malumque sæpiùs exasperant infixæ



fragmenta. Ignis potentialis suâ quoque pollet energiâ : inter causas hujusce modi, aliæ sævissimo cum dolore partes erodunt & destruunt, ut butyrum antimonii, acida mineralia; aliæ sedem suam modico cum dolore ac tacitè peredunt, ut lapis causticus, undè gangræna sicca subsequitur.

#### §. I V.

Ex ignis effectibus patet omnes à se invicem discrepare usiones; præcipuas tamen ab illarum naturâ & sede profluere differentias: 1°. *A naturâ*; hæc enim combustio adhuc recens, pungit ac lancinat; illa inflammatione rubicunda flagrat: nunc velut impositis epispasticis, cutem epidermide suâ denudatam perhibet; nunc gangrænam simulat, vel siccam, vel humidam, vel putridam: Alia sphacelum; ulcus alia refert; alia demùm, commotione atque etiam plagâ, nidulantibusque extraneorum corporum fragmentis, fit asperior. 2°. *A sede*; externæ nimirum sunt, aut internæ; atque ex illis, aliæ caput, aliæ pectus, abdomen, extremave corporis membra occupant.

#### §. V.

Cum facillè pateant signa combustionis sedem arguentia, ea tantùm hîc recensēbimus, per quæ dignoscantur uniuscujusque species & indoles: 1°. Si recens sit combustio quælibet, ferè semper dolor acerbus & pungens: 2°. Si inflammata, magis ac magis rubet cutis; de illius tensione queritur æger; dolor incumbit gravans ac lancinans, & sæpius febris accenditur: 3°. Si cuticula sola exsolvatur, intumescunt phlictenæ aquâ lymphidâ distentæ; vel nudæ nervorum papillæ, dirum in modum cruciantur, & liquore primò tenui, deindè in pus sensim densato, cutis insudat 4°. Si tegumenta sensum omninò amiserint; si color illis nigricans aut lividus;



9  
 si cutis simul induruerit, dùm vicinæ partes phlictenis horridæ dolent, tunc constat adesse gangrænâ; siccam, si escharræ fluidis penitus exhauriantur; humidam, si succis turgidæ madescant; putridam, si fœtor adsit: 5°. Sphacelus deprehenditur, cùm præterea mortuum friget membrum, & cadaverosam mephitim circumfundit: 6°. Ulcus si adsit, ex se ipso facillimè patebit: 7°. Commotionem ustionis esse comitem indicant torpor, viriumque prostratio, &c. Cæterùm de vulneribus & extraneorum corporum introrruptione arbitrum te facit intuitus.

#### §. V I.

USTIONUM prognosis ex illarum naturâ, sede & complicationibus eruitur: combustio levis brevi curatur, atque vix apparet cicatrix; contrâ verò difficilè sanatur combustio insignis; & ubi adest deperditio cutis, turpem glabramque post se relinquit cicatricem; facillè sanescit ambustio in corporibus sanis; reluctatur in cacochymicis ac plethoricis; in ulcus putridum degenerat apud scorbuticos. Si oculos perculerit ignis; imminet cæcitas, aut palpebrarum inversio, subversio atque agglutinatio: si ingruerit in membrum, præsertim juxtâ magnas articulationes, cave ne fiat tendinum cum suis vaginis adhæsiō, ne arecant ligamenta, membrum incurvetur, & ipsa tandem superveniat anchylosis. Combustio totius corporis, quæ fulmine infligitur, periculosissima. Quid plura? Si interna sit, aut externa ad partes usque intimas perveniat ustio, grande periculum instat, malorumque exindè nascitur ilias: verùm dicendi finem non faceret, si quis de iis omnibus singulatim differere aggredederetur.



## §. VII.

QUANQUAM topica plurima, virtute etiam sibi invicem prorsus opposita, ut emollientia, & astringentia, percussiva & attrahentia, calida & frigida, summo cum fructu nonnunquam in combustione applicata fuerint, variæ tamen indicationes, quas pro suâ indole, sede, rebusque extraneis combustionem comitantibus, quotidie nobis exhibet hujusce morbi species, satis evincunt, non esse unam & eandem combustionem cui-libet medelam, variamque variis casibus curandi methodum semper esse accommodandam.

## §. VIII.

PRIMUM combustionis auxilium in eo consistit: 1°. Ut impressio ignea extingatur: 2°. Affluxus humorum coerceatur: idcirco, si recens sit combustio, qualemcumque habeat indolem, quæcumque sint ejus sedes ac complicatio, subito faviens dolor refrigerantia, percussiva & narcotica requirit: jam vero ex refrigerantibus, præcipua sunt frigus moderatum, lac, aqua communis, aqua portulacæ, sempervivi, lactucæ, vel succi earundem; albumen ovi, solutiones gummosæ, olea dulcia, butyrum recens, cæteraque saporis expertia atque frigida: quæquidem ignis particulas intus hospites accersendo, sensum nervorum sopiendo, vasculaque constringendo, dolorem sedant, atque etiam sanguinis, in partem læsam, impetum mirifice compescunt(8). Percussiva simul cum refrigerantibus optimè profunt; quippe quæ, cutis vascula etiam constringendo, affluentibus humoribus occludunt aditum, sicque phlictenas & inflammationem arcent; similes autem effectus ab iis præcipuè percussivis expectes, quæ fugacem excitant irritationem, ut posca, aqua



vegeto-mineralis, atramentum scriptorium, alumen, vitriolum martis, acida quæque aquis multùm diluta, luteum viarum, aqua calcis secunda, succi ceparum; illa verò ferè semper rejiciantur repercussiva, quæ nimium creant dolorem, ut sal marinus, sal ammoniacus, calor vividus (9); sed præsertim spiritus-vini (10), sal alkali-volatil (11), & omnia valdè irritantia; nam in gravioribus combustionibus, si partibus vivis & combustionem dolentibus, hæc, omninò mera, imponantur, diu subsequuntur dolores, luctuosæque apparent symptomata, ut observavit *la Motte* ex usu spiritus vini (12). Narcotica demùm, refrigerantibus & repercussivis immixta, dolorem sopiunt, calorem inflammationemque sedant, sensum & irritabilitatem partis læsæ obrundendo; sint in exemplum succi, aut decocta solani scandentis, hyosciami, cicutæ, unguentum ex gemmis populei, laudanum, flores sambuci, &c. Hic est triplex ordo topicorum, quæ in primo combustionis actu præstò sunt.

Si cutis, tum casu fortuito, tum inconsultà manu, epidermide fuerit ad vivum despoliata, tunc omninò rejicienda sunt repercussiva mordicantia (13), & papillæ nervorum pinguibus inungendæ, v. g. unguento nutrito, vel linimento, aquâ calcis & oleo nucis composito; sic enim dolorem lenies; si verò integra remanserit epidermis, ab iis abstinendum; nam periculum est ne pingua, præsertim cum rancida sunt, erysipelatibus præbendo locum, combustionem exasperent; longè præstant, tunc temporis, topica aquosa molliter imposita. Hic lotiones & fomenta cataplasmatibus anteponenda, eò quòd, huic evaporationi, quâ fit refrigeratio partis ambustæ, meliùs faveant (14). Istius refrigerationis efficacia, ad repellendam cutis inflammationem, praxi quotidianâ comprobatur; v. g. in erysipelatibus, quæ videas in pejus abire per cataplasmata, dum extinguuntur per fomenta. Sæpiùs etiam hæc iteranda, donec dolor ab



igne impressus sedetur: tali methodo, hunc mirum in modum compesci, omnes ferè Artis Magistri animadverterunt (15).

§. IX.

SI TUMOR jam supervenerit, si gravis instet inflammatio, rejicienda sunt: 1°. *Frigida*, quæ vitalem vasculorum actionem enecare, & inflammationem vertere in gangrænam possunt: 2°. *Repercussiva*, imprimis calidâ, quibus augefcit incendium. 3°. *Pinguia*, quæ partes epidermide munitas afficiunt erysipelate. Nec morâ, medelam adhibeas antiphlogisticam: prius pertundas phlictenas, ut eliminetur ichor, cujus aggregatâ colluvie epidermis à cute magis ac magis dissociaretur; sed epidermidem nunquàm rescindas; hæc enim mollem nervorum pulpam, ægidis instar, protegit, vetatque ne aëris, aut topicorum attractu cutis ipsa lædatur. Post ubi ichor effluxerit; decoctis emollientibus, ut malvæ, seminis lini, florum sambuci, &c. inflammatio restinguenda; quosquidem latices semper tepidos, indefessâ manu, iterùm atque iterùm profundas. Si denudata appareat cutis; pinguibus utere confidenter; si dolor sit acutus, illis laudani liquidi guttas aliquot immiscere utilissimum credas: expedit etiam, ut suadent *Paraus & Hildanus* (16), in combustionibus, quæ tegumenta tantùm corporis afficiunt, vulnus assiduè tenuissimo obtegi linteolo, ne aspero frictu, inter curandum, torqueantur nervorum apices: præterea, si pars ambusta valdè intumescat, levis excitanda cataplasmatibus anodinis suppuratio, quâ, distenta sanguine, sero ac lymphâ cutis vasa, pristinam redeant ad diametrum, prementique colluvie liberentur (17). Aliundè, præsentis erit auxilii venæ sectio, quam, donec mitescant symptomata, prudens iterabis; ex pede mitretur sanguis, si caput occupet ambustio; è brachio, si alibi sedeat. Potus erunt diluentes, & antiphlogistici; ut serum lactis, aquæ



vituli, aut pulli gallinacei, cum nitro, vel cremore tartari; insuper tenuis erit victus. Tunc refert, non tantum ægroti vires frangere, sed primas vias expurgare, alvumque solvere enematibus laxantibus, & usu catharticatorum, quæ levi & fugaci irritatione viscera stimulent, ut tartarum stibiatum, sales quilibet neutrales, tamarindorum aut cassiæ decoctionibus soluti: hæc ce praxi, fit sanguinis aliorumque humorum à parte læsâ derivatio, ac proinde ipsius inflammationis imminutio; febris erit certè benignior, nec idem dabitur timendi locus, ne in febrim putridam vertatur. Celeberrimus ipse *Boerhaavius*, cum post ruptam *Papini* machinam, dissilientibus aquis ferè coctam habuerit faciem, talis methodi feliciter in se ipso fecit experimentum; hanc etiam commendat *Van-Swieten* (18); hanc nosmetipsi, gravissimis in combustionibus, summo cum fructu secuti sumus. Simul ac recessit inflammatio, aut multum decrevit; tunc, prout immittitur suppuratio, desiccanda est cutis-excoriatio, cerato saturni, unguento pompholydis, seu albo rhasis, & aliis, quorum siccandi virtutem nosti; hæc tamen parcâ manu adhibeas, leviter ad superficiem tantum inunctis raris & usu detritis linteolis; crassior enim emplastri moles vasculorum relaxationi & puris stagnationi locum dat: undè, erosiones, excavationes, pervicaciaque vidimus ulcera subsequi. Præterea disjungendæ sunt sedulò erosæ partes, toto curationis tempore, ne fiat illarum intempestiva coadunatio.

#### §. X.

**GANGRÆNA** si adsit, vel grassatur adhuc, vel certis fiat circumscripta limitibus: 1º. Si grassetur adhuc, inflammatio cutis, quæ veluti ruinâ collabatur, & tabidus mador adiposi textus subjacentis, indicium tibi sunt, ut, continuato antiphlogisticorum usu, compescendæ inflammationi operam des. Hic celeberrimi quidam Chirurgi (19) praxim aliam proposuerunt;



nempè autumabant, faciliorem fore curationem, levio-  
 remque doloris sensum, si aquâ Rabelli penitus enecarentur partes semi-  
 mortuæ; eò quòd, subversâ illarum texturâ, jam nequeant  
 in laudabilem suppurationem abire: hæc verò methodus, non  
 est omnibus comprobata; plurimi enim de combustionis internâ  
 penetratione incerti, expectare malunt donec ipsa pronuntiaverit  
 natura, quot sint morituræ partes, quàm bonas & valentes caus-  
 tics forsan perimere. Ea est quoque nostra sententia. 2<sup>o</sup>. Si  
 gangræna nullos agat progressus, quod, lineâ quâdam mor-  
 tuum à vivo discriminante, noscitur, triplex tunc occurrit in-  
 dicatio, ut scilicet, *dirimantur escharræ; pellatur putredo; foras  
 ejiciatur tabum*: illa, *ad dirimendas escharras*, valet suppuratio;  
 quam producit natura, & ope cujus fibræ mortuæ, vivis inhæ-  
 rentes, dissolvuntur; sed naturam juvant peptica dulcia, &  
 emollientia mortuis partibus, vivisque adjacentibus imposita, ut  
 butyrum recens, ceratum *Galenii*, &c. Expedit etiam omnem  
 combustionis circuitum fomentis madefieri, si gangræna sit  
 sicca (20): si verò humida aut putrida, *arcebis putredinem* topi-  
 cis siccantibus & antiseptis; ut unguento Ægyptiaco (21),  
 sive de styrace, spiritu vini camphoraro, oleo therebentinæ, sale  
 ammoniaco, acidis mineralibus, decoctis amaris, v. g. Peruviani  
 corticis, &c. Deniquè in utroque casu, *eliminandum est pus*,  
 tum scarificando mortuas partes, sub quibus latitans nidulatur  
 sanies, (22) tum detergentes & antisepticos liquores iden-  
 tidem injiciendo: atque ubi primùm exsolutæ pendent escharræ,  
 protinùs oportet illas forficibus propè vivum rescindere. Si vapida-  
 rum emanationum introitu, aut nimia puris effluentia, vires suas  
 amittat æger, confirmandæ sunt usu interno acidorum, amaro-  
 rum & analepticorum, præsertim è regno vegetabili depromp-  
 torum.

#### §. X I.

AMPUTATIO nec primùm requiritur, si adsit spha-



celus ( 23 ) : cum enim nihil aliud sit, quàm ipsa gangræna ; quæ membrum usque ad ossa totum occupat, huic congruit medendi ratio, quam adversus gangrænâ propofuimus. Ideò, si propter vividissimam inflammationem adhuc *progrediatur sphacelus*, hunc sistas, inflammationem oppugnando anodinis & relaxantibus, circa mortuas partes fomentis : *afferetur in superputredini mora*, celebratis in mortuo, usque ad intimas saniei latebras, scarificationibus ; abluatur præterea quidquid est corruptum, ac veluti condiatur potentibus antisepticis ( 24 ) : si verò *suâ quietus maneât in sede sphacelus*, vivum inter & mortuum amputa ( 25 ) ; & etiam quàm ocissimè, si pravorum humorum fiat introitus. Cæterum ab usu corticis Peruviani nec absteineat æger : laudabilem enim movet suppurationem.

## §. XII.

USTIO quæ ad statum ulceris devenit, post delapsum partium mortuarum, aptam ulceribus omnibus curationem requirit ; eâ tamen lege, ut suppurativa parcius adhibeantur, quàm si foret interna mali labes. Hæc autem ulcera, aliorum more, *simplicia* sunt vel *complicata* : si sint *simplicia*, opus est ut ad levem suppurationem, deinde ad exsiccationem perducantur : si *complicata*, ad genus simplex reducenda sunt, unicuique superadditæ noxæ, peculiari medelâ, occurrèdo : sanatis omnibus malis, quæ *complicationem* fecerant, ad cicatricem perducendum est ulcus, cavendo, ne contrà naturam adunentur partes. Sed aliquandò insanabilia manent ulcera, sive propter humorum aliquod vitium pertinax, & hoc in casu fiunt veluti salubris quædam sentina ; sive propter altiore in cavitates penetrationem, ut vidimus in Nosocomio dicto *la Salpêtrière*, post ustionem, quæ usque ad sinus frontales penetraverat ; tunc illud tantum superest agendum, ut fôrdibus maximâ curâ expurgentur ulcera.



## §. XIII.

OCULI ab igne læsi, quàm lenem & benignam postulant curationem! Illud imprimis Chirurgo incumbit; ut dolorem leniat, sanguinisque & humorum obstet affluxui, abluendo oculos aquâ frigidâ aut lacte, si sit combustio recens, ac nondùm apparuerit inflammatio. At ubi primùm sese exhibet inflammatio, uestionis sedes sæpiùs irroranda tepido mulieris lacte, columbuli cruore, aut aquis altheæ, seminis lini, florum sambuci, &c. Ex quibus guttas aliquot identidem in oculos instillari bonum est. Sedulò avertatur lux vividior, prohibeanturque sternutatoria: si dolore magno torqueatur æger, laudanum liquidum fomentis prudenter adde. Ferè nunquàm imponenda sunt cataplasmata, quæ, mole suâ, delicatulas partes injucundè premunt: intereà, quæ aliarum combustionum curationi profunt, ut victus tenuis, potus diluens, venæ sectio, purgantia, non sunt omittenda; atque inter curandum, præcavendum est, ne fiat adunatio Palpebrarum; sæpiùs igitur digitis hinc & inde moveantur; inter illas guttatim depluat collyrium dulce & siccans. Palpebris ulceratis nocent emplastra, quæ nimiam excitant suppurationem: hujus enim frequens exitus est palpebrarum *eversio*, *inversio*, aut *ectropium*; nocent etiam nimium siccantia, quæ pus in vasis detinent incarcerationum; hinc, turpes efformantur cicatrices; quæquidem, non ab oculis tantùm, sed à toto etiam vultu, eâdem curâ sunt avertendæ. Deniquè si inflammatio rebellis, cum defluxione, atque oculorum lacrymatione pertinaci, hâc methodo non sedetur, & æger de visu periclitetur, jugulares incide, palpebris hîrudines, brachiis vesicatoria appone; ac insuper post collum fige setaceum: humor ille noxius, qui ad oculos affluit, repellendus est collyriis tonicis, atque catharticis è corpore ejiciendus. Dehinc, ubi facies adusta est, quædam



dam quasi larva linea; pro commodiori medicamentorum applicatione, adaptari debet: ubi verò adustum est collum; tunc, ne incurvum evadat, dividētis fasciæ adminiculo impediendum est: aliæ, pectori, abdomini, clunibus, digitis, fasciæ, pro renatâ, excogitandæ, requiruntur. Deniquè si combustio gravis magnæ juncturæ vicinium occupet, ankylosi, & incurvationi obstabunt lubrici litus, quibus arida madefiant ligamenta; motus in omnem sensum, quibus teratur synovia; & applicatio ferularum, quibus protendatur membrum, opportunoque maneat in situ.

#### §. XIV.

Combustio quam *complicatam* fecerunt commotio & vulnus; aliam requirit medelam. 1°. Si tota fuerit fulmine concussa corporis habitudo, & adsint, vel syncope, vel sensuum hebetudo, viriumque prostratio; hîc interno cardiacorum usu & frictionibus membrorum suscitandæ sunt vires; atque ubi primum invaluerit æger, gradatim antiphlogisticis opus est; tuncque temporis, valent aciduli potus, emulsiones, serum lactis; præsertim si æger de calore interno queratur (26). 2°. Si, ab explosione pulveris pyrii, sit in aliquâ parte vulnus dilaceratum, contusum, ex commotione torpens; tunc, sicut in vulneribus ab ictu sclopeti inflictis, multiplex occurrit indicatio: 1°. Cùm partes ex commotione torpent, quod quidem indicant stupor, parvaque aut nulla inflammatio, in omni vulneris ambitu, & in ipso vulnere mollities, œdematosaque carniū inertia; (27) hoc in casu, carnes stimulantibus topicis vellicandæ, ut sensus & vita redeant. Sal etiam marinus, aut ammoniacus aquâ solutus, cataplasma-que aromatica maximè profunt (28); sed deinde & sensim, ad emollientia transeundum est, ne diuturnior irritantium mordicatio, doloris & inflammationis nimium suscitet. Ubi pungit dolor, emollientia sola sunt adhibenda. 2°. Si aponevrosium



facta fuerit laceratio, ferro subter incide, eretismum, strangulationem partium; diraque alia metuens symptomata. 3°. Si extranea nidulentur intus corpora, factis incisionibus extrahenda sunt; vel à naturâ expectanda est felix supuratio; quâ foras ejiciantur; attamen, utcumquë eveniat, parcâ prudentique manu, cum torpor adest, incidendum est, ne inertes partes gangrënâ corripiantur, aut saltem in pessimam disfluant suppurationem (29). 4°. Si propè juncturam fracta fuerint ossa, ac veluti contrita cum dilaceratione ligamentorum, nullamque servandi membri spem polliceantur incisiones, tutiorem partem eliges, si protinus membrum amputaveris (30). etiamsi stupor adsit (31). 5°. Deniquë, si grana pyrii pulveris in cute maneat infixâ, illicò elicienda sunt, acû, aut alio instrumento acuto: ceterum combustio, vulneris comes, pro suâ indole & fede curabitur.

#### §. XVI

PERACTA combustionis sanatione, supersunt aliquando vitia, quibus mederi potest Chirurgia: 1°. Si partes quædam, ut palpebræ, vulva, digiti, &c. incuriâ fuerint adunatæ, illas oportet incisionibus, si fas sit, disjungere, disjunctas tenere, genuinumque ad statum restituere, rationibus, quas pro variis casibus suppeditare possunt ingenii acies & ubertas. Industriam juvabit, cupientibusque offeret exemplar mira *Hildani* sagacitas, qui, digitos ex combustionem in externam manûs partem retortos, ibique conglutinosos, ingeniosissimè excogitatâ machinâ reduxit (32). 2°. Si recens adhuc supersit ankylosis, tentanda est curatio, balneis, fomentis, mollibus unguentis, alternisque membri motibus atque extensionibus. 3°. deniquë, si in ipso cutis textu nidulentur aliquot pulveris pyrii grana, epispasticis aut scalpello distractâ epidermide, extrahantur, sed plerumquë ex iis stigmata remanent indelebilia (33).



## N O T Æ.

(1) Juxta Physicos nihil aliud est fulmen, quam ipsa electrica materies, nitrosis sulphureisque immixta vaporibus. *Vid. Exp. du doct. Franklin, Gazette de France, du 27 Mai 1752, & Dictionnaire portatif de Physique, Tom. 2.*

(2) Pingua quæque ac resinosa, partes nostras sævius fluidis aquosis adurunt, quia majorem possunt acquirere caloris gradum: norunt omnes, oleum, pinguedinem, ceram, picem trecentos ad usque gradus calefieri, ab ipsisque nondum flammantibus liquari plumbum, stannum, in carboneisque lignum verti: aquam verò octogesimum quartum nunquam superare caloris gradum, nisi intercludatur aeris aditus. Tunc enim talem ab igne mutuatur energiam, ut ossa ipsa agat in pulvem. (*Vid. Exper. de Phys. de l'Abbé Nollet, Tom. IV.*)

(3) Fabricius Hildanus de Combustione, Cap. ij.

(4) Paré, Livre xij, Chap. 19, de la Brûlure.

(5) Civis quidam Hagensis ori admotum sclopetum imprudens inflavit: ex subitâ & inopinatâ pulveris deflagratione, totum os internum eo usque fuit adustum, ut per octo dies nequaquam possibilis deglutitio: prodiverunt deinde escharæ, quarum prolapsus ossa denudavit. Anxia deglutitio, putrida suppuratio, acerrimique dolores, ægrum ad summum vitæ periculum adduxerunt. (*Vid. Stalpart. Van-Der-Wiel, Obs. Rar. Cent. 1<sup>o</sup>. n<sup>o</sup>. xxiv.*)

(6) Præcipuum fulminis periculum est, quod potius commotionem electricam incutiat, quàm adustionem infligat. Tres reverà cognovimus homines, à fulmine percussos horrendoque torpore attonitos, etiamsi nigricans tantummodò & sub-inflammatâ apparuerit cutis. Unam ex istis observationibus lætuosissimam præbuit nobis in semetipso, M. Brilouët, Sere-nissimi Borbonii Ducis Chirurgus: nostræ annotationis in fidem testis sit ipse. Enarrat Fabricius Hildanus, hominem equumque simul fulminis ictu cecidisse, nullam verò exteriùs læsionem apparuisse, præter exiguum quoddam equitis in capite foramen. Ea electricæ commotionis ignorantia in causâ fuit, cur veteres fulmini vim & virtutem præternaturalem tribuerint. *Hildanus, Centur. 4. Obs. 26.* Præterea, in quibusdam fulmine percussis, nonnulla asphixiæ annotantur phenomena.



(7) Urens causa ustioni omninò alienos quandoquè producit effectus. Quidam Chirurgiæ alumnus, ex nosocomio dicto *de la Salpêrière*, pyroboli speciem (gallic. *Maron*) igni admovit: repente pulvis erupit, imprudentisque juvenis dextram conquassavit atque dilaceravit. Curatis tamen omnibus adustionis, contusionis, atque lacerationis symptomatibus, juxta doctrinam mox proferendam, servata fuit manus à M. *Faguer*, tùm prædicti nosocomii Chirurgo præcipuo, nunc primariæ excubiarum regiæ cohortis Chirurgo primo, Doctore Medico, nec-non regiæ Academiæ Chirurgiæ Socio.

(8) Ancilla quædam, ex eodem nosocomio, sibi suprà pedem universamque tibiam effudit ollam juscule ferventi plenam; haud morâ, pars usta aquæ profiliensis ex fonte rapido jactui per integrum horæ quadrantem fuit supposita. Tam prosperè cessit frigida hæc effusio, ut protinus mansueverit dolor, nulla intumuerit phlœtœna, nullumque ustionis vestigium postero die apparuerit. Nonnè satis demonstrat tale exemplum, graviter errare illos, qui clamitant à frigidis topicis in recentibus combustionibus abstinendum esse? Illud sanè non intellexerunt Hyppocratis axioma, quod quidem ad veteres tantùm ulceratasque ustiones spectat. *Ulceribus frigidum mordax, cutem obdurat, dolorem intolerabilem facit, denigrat, rigores febriles, convulsiones & distentiones creat.*

(9) Calor vividus, quem permulti auctores in ustione recenti tantoperè suadent, non elicit, ut contendunt, particulas igneas; sed agit eodem modo, quo resolutiva quæque calida, eodemque modo nocet.

(10) Spiritum vini laudat imprimis Sydenham; sed nunquàm adhibendus ille est, nisi cum ad gangrænâ putridam ustio devenit.

(11) Regiæ Scientiarum Academiæ Socius D. *Sage* arbitratur dolorem ustioni comitem, à phosphori acido infligi: itaque alkali-volatilis suadet usum, quasi hîc fieret quædam saturatio. Sed docet experientiâ tam acre topicum dolorem sæpius exacerbare; credimusque cum Chemistis aquam frigidam esse potiorẽ. (*Vid. Expériences sur les effets de l'alkali-volatil.*)

(12) Mentionem facit celeberrimus *La Motte* de latâ combustionẽ, quam ad gangrænâ diros per dolores spiritus-vini perduxit. (*La Motte, Traité de Chirurgie, Tom. 2, Obs. 307.*) *Hildanus* etiam in cruris ambustione non meliores vidit spiritûs-vini effectus: talem enim excitaverat inflammationem, ut longâ tantùm abundantique suppuratione compesci potuerit. (*Vid. Hild. Centur. 4, Obs. 93.*)

(13) Ceparum, salis, & saponis mordacitatem multo oleo obrundebat



*Hildanus*, iisque feliciter utebatur, quotiescumque integra remanserat epidermis; nam, ut ait *Paræus*, *Il est à noter que, où il y a écorchure, ils causent douleur, & font augmenter l'inflammation.*

(14) Hoc Chemistarum constat experimentis, ab evaporatione nasci frigus; atque corpora fluidis madida, eò plus, dum siccescunt, concipere frigoris, quò fit velocius fluidorum evaporatio. Tales sanè observationes in Chirurgiæ ac Medicinæ praxi prodesse possunt. (*Voyez Recherches sur le refroidissement des liqueurs, par M. Roux.*)

(15) Voyez Paré, chap. 18, liv. 12. — *Hildanus* de combustionibus, cap. 6. — Van-Swieten, Commentaire sur le §. 481. — Heister, tom. 1, p. 324.

(16) V. Paré, livre 11, chap. 18. — *Hildanus*, chap. 7 de combust.

(17) Si ita intumuerint partes, ut nulla supersit spes resolutionis, imminetque gangrænæ periculum; vide in Observatione *Hildani* jam citatâ, quid possint anodyna tunc cataplasmata.

(18) Voyez Van-Swieten Commentaire sur le §. 481.

(19) Voyez Traité de la gangrène, par Quesnay, pag. 285; & Cours de Pathologie de M. Simon, par M. Hévin.

(20) Si omnino torrefacta fuerit cutis, si propter vehementiorem inflammationem, siccam referat gangrænâ, tunc ad usum prona sunt topica quælibet emollientia, dummodò non instet putredo. Censemus cum Van-Swieten, §. 481, spirituosos & astringentes foris hic nocere, tum quia augent doloris sensum, tum quia rigidas faciunt fibras, quibus crustæ vivis partibus inhaerent, & sic escharrarum separationi adversantur. Aliter tamen sentiunt peritissimi quidam Artis Magistri.

(21) Cum imminet putredo, protinus doneganda sunt laxantia, adhibendaque siccantia antiseptica, inter quæ, juxta celeberrimum artis Magistrum *Louis*, præcipuum locum obtinet unguentum *Ægyptiacum*. (Vide Notam in Van-Swict. §. 462.)

(22) Si cutem latè afficiat gangræna sicca, tunc mirificè prodesse scarificationes deprehendit *M. Brun*, Aedium Nosocomii Generalis *Parisiensis* Chirurgus Primarius, necnon Doctor Medicus.

(23) Une gangrène qui s'étend, inquit *Sharp*, avoit été regardée jusqu'ici comme la principale raison de couper un membre, & maintenant c'est une raison contre. — Car dans les gangrènes critiques, il est impossible de connaître assez exactement l'état du sang pour décider quelle quantité de l'ex-



crémité gangrénée doit périr. — Et dans les gangrènes de cause externe, le membre est ordinairement enflammé & tuméfié jusqu'à une hauteur considérable au-dessus de la gangrène, & retient les semences d'une gangrène future qui se manifeste de nouveau après l'amputation. Une raison plus importante encore, est le mauvais état de la santé du malade pendant que la gangrène s'étend, & même une dissolution dans le sang, qui peut donner plus de crainte pour l'hémorragie des petits vaisseaux. — Toutes ces raisons prouvent la nécessité de différer l'amputation, jusqu'à ce que la séparation soit bien avancée. Par ce délai, le sang se raccommode, & le malade sera plus en état de soutenir les dangers de l'opération. (Voyez la Traduction Françoisse des recherches critiques sur l'état présent de la Chirurgie, p. 335 & suivantes.)

(24) Idem Sharp audacior, propè vivas partes, quantum fieri poterat, mortua quæque reseindebat: sic enim tutius arcebat putredinem, nec aliter agere licet, quotiescumque truncum sphacelus occupat. Hæc methodo feliciter usus est La Motte. (Voyez son Traité de Chirurgie, Obs. 311.)

(25) Tribus in locis fieri potest amputatio, nempe, 1<sup>o</sup> in vivis partibus, 2<sup>o</sup> in mortuis, 3<sup>o</sup> vivas inter & mortuas, ita ut potius ex sana parte aliquid excidatur, quam ex ægrâ relinquatur. Hanc ultimam praxim optimè descripsit Celsus. (Medicinæ, lib. 7, cap. 33.) Hanc nosmetipsi suademus; minorem enim infligit dolorem, quam cum viva pars amputatur; certiolemque spondet curationem, quam cum mortua tollitur. (Vide Huxham, Essais sur les fièvres, pag. 81.)

(26) Curationem hanc antiphlogisticam requirunt eretismus & calor, qui stuporem plerumque sequuntur post fulminis ictum. Nostram sententiam confirmat celeberrimus D. Lieutaud. (Vide Précis de Médecine, tom. 2, pag. 109.)

(27) Duplex est stuporis genus: stupor sensus, cum illos obtundit viva percussio: stupor vis organica, cum genuinum vitalemque motum carnes amiserunt. Si elles sont peu vives, (inquit Quesnay, de statu carnium in hoc casu loquens) si elles sont relâchées, & mollasses, sans aucune cause sensible; s'il ne survient pas à la circonférence ce petit gonflement inflammatoire qui doit former une suppuration favorable, on a tout lieu de penser que le coup a laissé une stupeur qui entretient la plaie dans cet état fâcheux. (Voyez Traité de la gangrène, pag. 48.)

(28) Tale genus topicorum commendat celeberrimi Quesnay & de la



*Matinière* ; insuper si eretismo & crispatione rigeant solida , in promptu sint emollientia , atque sanguinis missio. *Le traitement extérieur* ( inquit celeb. de la Martinière ) est soumis à des indications raisonnées qui doivent se tirer de l'état des choses. ( Voyez son Mémoire sur les plaies d'armes-à-feu. *Mem. de l'Acad. de Chir. tom. IV.* )

( 29 ) *La stupeur* ( inquit illustrissimus M. Louis ) est un effet des corps contondans qui frappent avec violence : cet accident , auquel on sera désormais plus attentif dans la cure des plaies d'armes-à-feu , depuis les solides réflexions que l'on doit à M. Quesnay , prescrit de la modération dans les incisions. ( Voyez le Dictionnaire Encyclopédique , au mot Gangrène. )

( 30 ) Cum nulla superest spes servandi membri , protinus illud amputari suadet celeberrimus de la Martinière ; etiamsi nimix videantur obstare ægri vires , inflammatoriaque dispositio nervosi generis irritatio , etiamsi verum sit longè tutiorem forè amputationem , si dira prius mansueverint symptomata , si incisionibus , venarum sectione , potiusque diluenti , labefactatæ fuerint vires , nihilominus amputationem imperat D. de la Martinière , arbitraturque minus oriri periculum ex unâ operatione , quæ malum malique causam simul tollit , quam ex repetitis incisionibus , quæ ægrum miserè torquent , nec illum ab innumeris complicatæ plagæ ærumnis liberant. ( Voyez Académ. de Chir. tom. IV. )

( 31 ) Cum partem valdè contusam ac profundè comminutam localis stupor occupat ; juxtà celeb. de la Martinière , novum adest indicium celebrandæ amputationis. Hoc enim in casu vasorum inertiam sequitur humorum colluvies gangrænæ prænuntia , salubrique effluentia locum præbet amputatio in caruibus stupore non concussis. ( *Mem. de l'Acad. Roy. de Chir. tom. IV.* )

( 32 ) Vide apud Hildanum depictas machinæ figuras , lib. de Comb. cap. xv.

( 33 ) Vir quidam , utilium cognitionum progressibus favens , præmium huic proponit , qui , judice Academ. Reg. Chir. optima indicabit media , quibus stigmata faciei per Pyrium pulverem impressa , sine periculo nec deformitate deleantur. *Vid. diarium Med. mens. Aug. 1781.*





